

欽定中樞政考

欽定中樞政考目錄卷之三十三

綠營

驛費

館所夫馬工料

京城雇車腳價

挑擔夫價

雇用民車民夫民船

運送物件及回子行李車價

運貯水漿腳價

官兵船隻夫價

軍需雇用車輛價值

軍營臺站醫匠定額

館所夫馬工料

一兵部皇華驛館所額設車一百五十輛車馬

一百五十匹車夫一百五十名差馬五百匹

馬夫二百五十名車每輛年給修理銀一兩

四錢內扣三成同殘實馬每匹日給草乾銀

六分七釐五毫又月給雜費銀二錢七分買

補倒馬價值並醫治馬匹藥餌銀二錢五分

不扣小建遇閏之年加給車馬夫每名月給米九斗每斗

一錢鹽菜銀四錢五分按季覈明移咨戶部

欽定四庫全書
卷三十三
支取又每車年給熟車繩一條長四丈徑五
分赴工部支取

一 餽養

韋馬四十匹草乾雜費銀兩均照差馬例支給其
倒斃每年不得過八匹移咨戶部知照左右
兩翼交補足額其草乾扣除截曠日期俟補
額之日再行起支

京城雇車驛價

一兵部遞運所額車一百五十輛若遇差使繁多之時將額存車輛用完則另行雇車交與馬頭應付其雇覓車價每一里給銀一分每車每百里給銀一兩按里數遠近給與銀兩移咨戶部給發恭遇

駕幸

圓明園併

進宮

內廷各處俱取用兵部車輛兵部仍每次留車十輛以備別處領用如額車不敷將內務府所用車輛移咨內務府由內管領處雇用

一內務府置有公務需用車輛自行酌量緩急以年為募先期行文順天府該府尹一分車輛數目於順天府屬各州縣內酌派雇備俱於起程之前二日每車卽給與草料銀五錢二分沿途行差日給銀一兩住歇日給銀八錢至回京時按十日以七日計算每日給銀

五錢二分統於事竣日將用過腳價銀兩造報內務府覈銷其護軍營駄載綱布號分即入旗官駝不敷應用亦行文廣天府軍車裝載其車價由順天府行文戶部支領照內務府之例分別守候行走往歇回空給發事竣造報兵部覈銷至公事需用夫役交五城傳喚於起程前一日卽給與工食

挑擔夫價

一在京各部院衙門凡運送各項物件應川擔挑擔夫每一名送十里者給雇價銀三分向戶部取銀給發

雇用民車民夫民船

一各省驛遞額車不敷雇覓民車以百里爲一站每車每站給銀一兩如多十里增銀一錢少十里減銀一錢各按里數增減

一各省驛遞運送餉鞘等項額夫不敷雇覓民夫以一百里爲一站每名每站給銀一錢亦按道里遠近增減從價

一浙江省額設差船銀五百九十九兩六錢四分五釐雇船銀三百四十二兩遇閏之年加

給其運送餉鞘撥用沙飛船每隻給水腳銀九十兩太平船每隻給水腳銀八十五兩如行至河凍處所起旱按程站里數扣除水腳銀兩

一福建省水口等驛額設報船每隻月給雇價銀一兩浦城縣年給工食船租額銀四百五十二兩三錢五分

一廣西省運送餉鞘水路俱屬石灘淺窄陽朔縣以六十里爲一站平樂縣以七十里爲一

站臨桂靈川興安等縣俱以八十里爲一站
全州至湖南零陵縣以八十五里爲一站昭
平縣以九十里爲一站每站每夫給銀一錢
一貴州省古州都江八寨丹江凱里台拱清江
等處雇募苗夫陸路以四十里爲一站每站
給銀八分雇募苗船逆水以三十里爲一站
順水以八十里爲一站每站每名給銀一錢
五分其隨時雇募小工并長短夫役每日給
銀三分口糧米一升

運送物件及回子行李車價

一 陝西甘肅二省供應回子伯克行李並運送物件按三百九十觔給車一輛每車每百里給銀四錢五分甘肅口外按五百二十觔給車一輛新疆南路每車每百里給銀一兩四錢北路每車每百里給銀一兩二錢

運貯水漿腳價

一甘肅省平番儀伯安定會寧等四縣均係戈壁地方凡遇供應官兵過境無論官員兵丁連跟役餘丁及乘騎馬騾每員名每站給水五百二十觔其運貯腳價按水三百九十觔給車一輛每車每百里給銀三錢按水九千七百觔給與貯水大窖一口每口給賃價銀三錢

官兵船隻夫價

一出征官兵及駐防外省官兵由水路前往者
按人數撥給船隻頭號船坐五十人二號船
坐四十人三號船坐三十人小船酌量人數
撥給其出征官兵上水頭號船給緯夫十五
名二號船給緯夫十二名三號船給緯夫九
名小船給緯夫不過五六名下水頭號船給
緯夫八名二號船給緯夫六名三號船給緯
夫四名小船給緯夫不過二三名駐防官兵

下水不給緯夫上水頭號船給緯夫八名二號船給緯夫六名三號船給緯夫四名坐一五人以上之船給緯夫三名坐十五人以下之船給緯夫二名若應付駐防杭州江寧京口官兵無船時照陸路給與車輛如自願雇船行水路者每車一輛准給緯夫四名至往廣東福建駐防官兵濟寧州以北給與車輛濟寧州以南照其家口給與船隻緯夫如官兵額外多索強行越站者照多索夫役馳驛

越站例處分

文職咨吏部武職載處分則例郵政門

一凡官兵經臨需用夫役如本項夫役不敷應付卽將本站別項夫役通融協供或本站無可協供或將別項夫役已經撥協仍或不敷方許雇募應用以一百里爲一站計算如用夫千名以下者每夫一名每站給銀一錢用夫一千一百名者每夫一名每站給銀一錢一分用夫一千二百名者每夫一名每站給銀一錢二分每多用夫一百名卽多增銀一

分至一錢五分止多十里者按其分數遞增
少十里者按其分數遞減各造具細數清冊
報明兵部覈銷如地方官多報冒銷者革職
計贓治罪少算累民或遲延不給者照給價
不速例處分

文職咨吏部武職例
載處分則例郵政門

軍需雇用車輛價值

一 凡軍需供應官兵雇用車輛價值五城瀕大

照雲南軍需每四套大車自京至良鄉往返

給銀二兩守候回空俱不支其餘程站較近

處所俱按照直隸照四川軍需每車河南雲

里數遞減百里給銀一兩陝西甘肅照西路軍需每

百里給銀一兩其餘各省如遇雇用車輛俱照驛站定

例每車百里給銀一兩倘所用車輛較多必

須隣境雇覓以及輪番供送程站較長有應

確覈情形據實陳奏覈辦其無車省分並
能行車處所照例官員每車一輛折馬二匹

雇馬價值詳

見雇馬條

軍營臺站醫匠定額

一凡軍營安設塘站馬匹如設立在內地者其

歲需外備銀兩倒馬分數以及買補價值應

扣皮贓俱各照本省塘站驛站例辦理

甘肅口內

照塘站例每馬歲支外備銀三兩四錢五分
倒馬十分報倒三分滇省關內關外四川口
內俱照驛站例每馬年給雜支銀一兩四錢
二分倒馬十分報倒三分買補馬價甘肅每
匹八兩滇省每匹十五兩四川每匹係在口
匹八兩俱扣皮贓變價銀五錢

外安設者准其每三站設獸醫鐵匠各一名

令居適中之地往來醫治馬症打造鐵掌

甘肅省

口外每三站設獸醫鐵匠各一名四川口外
每六塘設獸醫一名應酌照西陲例議給

所需工食口糧照馬夫之例給與甘省獸醫鐵匠照口

外馬夫例每名月給工食銀二兩口糧二斗

四川獸醫每名月給工食銀二兩口糧三斗

應照西陲金川例酌中定議每名月給

工食銀二兩每日給口糧米八合三勺仍各

准給安家銀二兩甘省獸醫鐵匠無安家銀

銀三兩應照四其餘需用外備銀兩照本省

川例酌中議給

驛站定例支給至應報例馬買補價值亦各

照本省驛站之例開銷如所安馬匹在站應

差止係三月以內者每百匹准餉十匹西將

軍阿桂議奏馬匹在站應差爲其三月以外
日無多十分報倒一分例定議者仍照十分倒三之例計日覈算仍於買補
馬價內扣除皮臙銀兩

欽定中樞政考目錄卷之三十

綠營

驛遞

慶賀

表箋由驛彙送

本章驛遞

本章嶽漚破損

接遞本報

土溝照料文報

哨門接遞奏摺

行在木報遲誤議處

緊要公文釘封夾板

軍機處公文填用排單

文報分別軍臺驛遞

分別驛遞舖遞

廷寄批迴分別拆閱

肅送奏摺夾板鈐黏印信

專差齎奏事件出具隨咨

咨部公文總具印單

遲誤軍報分別議處

馳遞緊要公文逾限

緊要公文馬遞

由驛發遞奏摺公文填註火票排單

軍營臺站官員議敘

錯遞公文

搭解軍前兵丁什物

新疆進

貢馬匹等項毋庸尋員齎送

陵寢衙門奏章停止差遣官員

盛京各衙門齎送題咨事件

雲南等省大員丁憂事故由驛馳奏

循環簿

慶賀

表箋由驛彙進

一各省文武官員駐防將軍都統副都統慶賀
表箋彙入總督衙門如無總督省分彙入巡撫衙
門由驛遞一併恭進其吉林黑龍江二處
軍并所屬副都統以及

盛京將軍所屬副都統奉天府府尹慶賀
表箋彙入

盛京將軍衙門山驛遞一併恭進

本章驛遞

一 直省總督巡撫提督總兵等齎奏題參貪官
大計軍政薦舉奏銷錢糧等事所用火牌一
張填馬二匹如同城駐劄總督巡撫提督總
兵同日拜本者彙用火牌一張亦止填馬二
匹其餘平常事務三件以上封固由驛站遞
送若題奏事簡衙門不及三件者亦封固由
驛遞送

一 駐防將軍都統副都統齎奏等項所用火牌

一 張許填馬二匹惟吉林黑龍江等處地處
邊外程途遙遠該將軍所差齎奏員役正副
二人許用馬四匹如有應用多入背負物件
於火牌內詳註緣由違者部科題參照多填
馬匹例議處

文職咨吏部武職例
載處分則例郵政門

本章徽溼破損

直省題奏各衙門將裝本原箱嚴密封固令提塘及齎本差役將裝本原箱齎送通政司查閱如內裏徽溼破損將題奏本官議處外面徽溼破損係專差齎進將差官議處差役笞四十由驛遞送進者挨查各驛於何處徽溼破損將該驛馬夫笞四十司驛官照例議處

文職咨吏部武職例載處分則例郵政門

接遞本報

一恭遇

聖駕行幸

內廷所發奏摺本章等事兵部派委筆帖式三員
領催二名攜帶馬匹於

東華門外預備將所派筆帖式領催姓名知會

景運門該班護軍統領直省各處應安臺站由該

總督巡撫按站安設派用各該本省武弁馳

送如不親身押送者將員弁及該管上司均

照例分別議處

文職杏吏部武職例
載處分則例郵政門

其安設臺站處所并武弁姓名報明兵部數
站之內遴委地方官一員往來稽察十日一

次彙報

行在兵部查覈

土溝照料文報

一每年恭遇

聖駕駐蹕熱河自

啟鑒之日起兵部酌派滿洲司官二員輪流駐劄上

溝河干預備人夫船隻照料本報文報如遇

大雨時兵部滿堂官輪換一人來往查看俟

秋分後雨水稀少河水消落將駐劄司員酌

量撤回儘遇陰雨仍令馳赴河干照料

哨門接遞奏摺

乾隆四十年四月內奉

上諭外省督撫提鎮等官奏摺朕駐蹕熱河時著齎摺
人赴熱河投遞至進哨以後著兵部選派司員二人
住於哨門外經管臺站各省齎摺人赴哨門外卽交
兵部司員接收按日由臺馳送行在批閱發回後仍
由該司員付各齎摺人領回該部通行傳諭知之欽
此

嘉慶十一年八月內奉

上諭向例進哨行圍時各省差人陳遞奏摺俱齎至哨門交兵部所派官員接收轉遞行營每俟彙至四件始行轉遞因思各省差人事件亦有關係緊要者若必彙齊至四件方行馳遞恐失之遲緩嗣後各省差人之摺著兵部官員於哨門接收兩起即可由臺站轉遞行營但不必加緊馳遞如遇本報及各省驛遞奏報經過之日即可附便馳遞欽此

行在本報遲誤議處

乾隆五十四年六月內奉

上諭前因本月初四日京中本報遲誤經兵部參奏文
直隸總督逐站挨查於何處耽延據劉我查覆係在
密雲迤北之沙峪溝穆家峪石匣瑤亭至古北口一
帶因山水陡發耽誤十五刻等因業交在京吏兵二
部將文武各員弁議處十九日復因本報遲到亦經
兵部參奏議處矣本報馳遞耽誤因山水驟發所致
尙非有心遲誤可比嗣後如有實因山水陡發遲延

三
三
三日者將文武員弁查明議處以示懲儆若在一兩日內者竟可免議所有此兩次文武員弁應行議處之處俱著加恩寬免欽此

一恭遞

皇上巡幸遞送

行在之本章除實在因河水漲發舟楫難施以致遲延一二日者令其隨報聲明送

行在兵部查覈仍令該地方官確查實在情形於文內聲明送部查覈果係實情免其議處若非

雨水泥渟藉詞藉遲等情概不得援免

緊要公文釘封夾板

一軍機處交發各省加封書字並發回

硃批奏摺報匣均由軍機處固封交兵部提報處加
具釘封用皮紙貼紙包封黏貼印花再加黃
布總封復黏貼印花仍用棉紙包裹將夾板
拴縛妥協發驛馳遞

一部院衙門咨行外省緊要事件由各該衙門
裝用棉紙厚稍封套自行釘封移交兵部加
用夾板包封完固黏貼印花發驛馳遞

一兵部每年需用黃白夾板繩紙等項預期行

文戶工二部咨取備用歲底奏銷

軍機處公文填用排單

一軍機處交發公文各省州縣驛站接遞時將限行里數接到日時及有無擦損拆動之處於排單內註明傳至末站繳部查覈如有擦損拆動情弊卽取上站甘結并另備布紙將公文包裹完好黏貼本站印花在排單內聲敘轉遞外仍卽飛報該督撫一面奏

聞一面將擦損拆動公文之驛站官弁人等提省審

訛從重分別懲處

文報分別軍臺驛遞

一軍機處交寄西北兩路將軍大臣加封書字

及各處發京摺奏准由軍站

西路自昌平州迺龍觀軍站起

經由山西天鎮縣枳兒嶺軍站陝西榆林縣榆林軍站甘肅靈州花馬池軍站至肅州直隸州酒泉軍站

由嘉峪關北路自昌平州迺龍觀軍站至宣化縣宣化軍站出張家口

馳遞其內外各衙門與西北兩路將軍大臣

往來應行馬遞公文均由驛站

西路自良鄉縣固節驛起

經由山西平定直隸州甘肅桃驛陝西潼關驛潼關驛甘肅涇州直隸州安定驛等處至肅

州直隸州酒泉驛出嘉峪關北路自昌平州驛至宣化縣宣化驛出張家口馳

遞不得由軍站馳遞如混行簽發者照例

處

文職咨吏部武職例
載處分則例郵政門

分別驛遞鋪遞

一部院衙門咨行外省緊要事件給發火票傳遞者所裝封套悉用棉紙厚裨用釘封封固其將軍督撫提鎮等遞發緊要公文關係刑名錢穀查提人犯者封套務須加厚亦用印釘封平常事件由鋪司遞送者須加包封如有擦損遲悞情弊該驛遞夫役鋪司及該管官俱照例分別議罪至軍營臺站往來報匣夾板及兵部加封事件事關軍務如有擅敢

拆動以致洩漏事情者該管大臣立即查究
供證明確無論官兵馬夫均卽按軍法從事
專管臺站之文武員弁革職拏問該管臺站
大員照例議處其往來文移剗稟有關軍需
糧餉調遣兵馬及陞調參革官員等項情事
者如有私拆情弊一經查出將私拆之人
擬流罪專管臺站員弁知情不舉或係失察
並管理臺站大員均照例分別議處若下站
官弁接遞上站公文見有拆動形跡不行呈

報者亦照例議處如該管官及該管大臣有
能自行查出報明究治者本員應得處分免

議

文職者吏部武職例
載處分則例郵政門

廷寄批迴分別拆閱

一軍機處交兵部加封寄往各省書字其封面書寫何人姓氏者應交本人拆閱如本任官陞調他處並來京

陞見護理及接任之員不得拆閱卽轉遞交本員祇領若尋常印封無本員姓氏交該衙門開拆者方准署任之員拆閱查辦

一各省總督巡撫將軍都統副都統提督總兵大臣等拜發奏摺後適經陞調他處於原摺

齋同時已離本任者所奏事件如係地方公
事及一切營伍情形有底案可稽者接任之
員卽查明開拆欽奉

諭旨敬謹遵行如係該員本身陳奏事件由接任之
員專差齋送交收若在新疆巴里坤等處
齋交陝甘總督於臺站送事之便一同交
至軍營地方卽齋交各該省總督巡撫轉
以免耽延

齎送奏摺夾板鈐黏印信

一未經奉

旨賞給報匣之文武大臣官員遇有應奏事件將奏摺夾板外用棉榜紙封固接縫處鈐蓋本職印信再用黃綾包裹馳送至

欽差

簡用出京赴任者俱令酌量沿途有無摺奏事件應用印花若干咨取兵部印花其來京

陛見在外奉差出境調任他省隨帶本職印花以備

應用至將軍同城副都統遇有應奏事件俱
用將軍印花統俟抵任及事竣後將未用者
分別查銷如有遺漏黏貼印花照遺漏用印

例議處

文職咨吏部武職例
載處分則例部政門

專差齋奏事件出具隨咨

一各處大臣官員專差齋奏事件俱出具隨咨
印文令齋奏員弁同奏摺一併交奏事官員
檢明轉奏以憑查覈

咨部公文總具印單

一直省總督巡撫提督總兵以下各官凡有咨呈在京部院公文於咨呈外另具印單編列號數寫明角數某年月日發行令提塘隨文分投各部院該衙門將件數查驗明白於原印單內填明文到月日發還原行衙門以備查覈

遲誤軍報分別議處

乾隆十五年五月內奉

上諭向來軍機處交出公文簽發馬上飛遞者定限日
行三百里遇有最緊要事件始票日行六百里字樣
加簽公文緩急既有不同則遞送遲延處分亦應分
別差等乃吏部議處此等案件不按三百里六百里
之分但查覈時刻逾違俱照扣關公文例議以降一
級調用此例殊未允協現干例議積案甚多著量加
區別除沉匿軍情機密事件仍照驛站舊例議處外

其軍機處交出尋常緊要事件限行六百里者儻有
逾限准照扣關之例議處若軍機處常行事件限馬
上飛遞日行三百里者逾限之處照公文遲延例議
處著爲令再軍機處交遞公文原係酌量事件以定
程限嗣後非遇緊急最要事件亦不得以日行六百
里發欽此

馳遞緊要公文逾限

一定限日行六百里加緊公文及日行四五百

里三百里緊要公文無故遲延三刻以上者

該督撫查參照例分別議處

文職咨吏部武職例載處分別

例郵政門若因中途遇雨連綿河水漲發及馬驚

跌斃馬夫等情取有地方官印結報部並論

限一二刻者俱准免議

緊要公文馬遞

一直省文武各官凡有事關軍機及緊要公文呈報該管衙門刻難遲緩者一面由馬上飛遞一面備文報明該司道備案其取受飛遞文書之各衙門并沿途轉送之各州縣驛亦將何年月日收遞過何衙門事件之處知會該管驛站衙門備細查明將闔屬飛遞事件按季造報總督巡撫於歲底咨送兵部查覈其餘概不准其擅動驛馬如有違例濫差擅

馬路上飛遞者照例議處該州縣驛據實詳報及驛道揭報總督巡撫題參者俱免議若州縣驛通同容隱濫行應付或驛道總督巡撫徇庇失察俱照私用驛遞夫馬例處分

文職

咨吏部武職例載處分則例郵政門

- 一 凡遇軍機處交出及各部院緊要文報若沿途設有臺站俱交兵部由軍臺遞送如係知會無庸查辦之件雖關軍機仍由驛遞送
- 一 福建廣東廣西三省驛站遞送公文並該領

設馬匹俱係人夫走遞凡遇軍機處交發加
封等事無論限行三百里六百里者晝夜行
三百里

山驛發遞奏摺公文填註火票排單

一各省由驛發遞奏摺夾板公文等項將限行里數以及封發日時均於排單內註明發驛馳遞到站時該站詳細驗明內裏包封印花完好者方准接收仍拴縛妥協轉遞並將收到時刻及有無擦損拆動情弊均於火票排單內逐一註明儻上站業已填滿該站卽另黏空紙鈐用本站印信戳記接連填註如有遺漏以及雖經填註覈與冊造時刻不符者

查明飭取職名送部議處儻有擦損拆動情
弊卽取具上站印結并另備紙張將公文包
裏完好黏貼本站印花在排單內聲敘轉遞
咨行該省查辦如係稽遲於遞到時按站覈
明何處耽延照例議處

文職咨吏部武職例
載處分則例郵政門

軍營臺站官員議敘

一軍營承辦驛站無誤并馳遞文報妥速武職

各官欽奉

嗣旨交部議敘者分別一二等給予議敘

例職處分則例部政

門

錯遞公文

一直省各州縣驛接遞內外衙門公文如有不
依原行公文封面填寫處所錯遞他處者查
取誤遞首站官及不加詳查輒行轉遞之下
站官職名咨送吏部分別議處

搭解軍前兵丁什物

一出征兵丁等家中有寄送之衣服等物或本
家有力帶去或託相識之人帶去者各聽其
便若無可託之人將所寄衣服靴襪等物以
十觔爲度包裹妥協註明旗分佐領姓名并
出征地方該旗彙齊咨送兵部遇戶兵工三
部解送官物之便搭解軍營交與該將軍等
驗明旗分佐領姓名交與木人仍將收到之
處咨覆該旗存案

一出征兵丁內或並無家口其餉銀無人收貯者各該旗佐領加緊包固開明旗分佐領姓名並出征處所彙齊咨送兵部遇有戶兵工三部解送官物之便搭解軍營交與本八收領仍將收到之處咨覆存案其應領月本另冊造送戶部扣存倉內俟凱旋之日按照扣存數目支給若本身雖無家口情願將銀米交存親屬處代爲置辦衣服什物者該旗於出征兵丁起程之前酌量准交親屬收貯

新疆進

貢馬匹等項毋庸專員齎送

一西北兩路將軍大臣回繳

殊批奏招應由奏事之便彙繳其每年進

貢馬匹玉石果膏等項交與該處遇有卡倫侍衛

內換班引

見人員之便照料解送若一時並無便員不便等候
者該將軍大臣等奏明專員齎送仍知照兵
部以便查覈如有未行具奏擅委員弁齎送

者兵部查明參處

例載處分則
例部政門

陵寢衙門奏章停止差遣官員

一

東陵

西陵承辦事務衙門一切奏章停止差遣官員與奏

人齎送

盛京各衙門齎送題咨事件

一

盛京將軍五部本章俱差員馳驛遞送府尹衙門
本章差役馳驛遞送其名帶到緊要公文
咨送

盛京兵部山驛傳遞尋常咨京部事件及咨行
省公文併歸直隸提塘辦理俱由各該衙門
封送奉天府彙齊每口編號填寫發單加
總封由舖司送京交直隸提塘查照遞送

在京部院衙門發往

盛京等處各衙門緊要事件由兵部交驛站遞送
尋常事件由兵部逐日彙總包封編寫發單
飭交直隸提塘由舖司送往至

盛京所屬地方卽交馬快遞送

雲南等省大員丁憂事故由驛馳奏

一 雲南貴州四川廣東廣西福建甘肅湖南等
省督撫提鎮藩臬遇有丁憂事故限日行
百里由驛馳奏

銷環簿

一各省塘驛遞送公文冊籍等項司驛官各立印信號簿止站號簿川下站印信每月底彼此移明查考儻有沉匿稽延詳報上司題參如沉匿平常公文馬夫一角杖六十每一角加一等罪止杖一百該管之員分別議處如官員親齎文移匿失者照此例加一等議處若干軍情機密一切文移毋論官員兵丁遞送人匿失多寡俱革職提問

文職咨吏部武職例載處分則

例郵
政門